

SS.7.C.3.5

Eksplike pwosès amannman konstitisyonèl la.

SS.7.C.3.5 Klarifikasyon sou Nosyon Fondamantal 3: Elèv yo pral ka idantifye enpòtans pwosès yon amannman ki fòmèl.

Atik V (5) *senk* Konstitisyon peyi Etazini an dekri de metòd pou **propoze** amannman yo epi de metòd pou **ratifye amannman yo**. Papa fondatè yo te vle fè sèten ke te gen yon pwosès pou Konstitisyon an te yon “dokiman ki vivan” ki te ka chanje avèk tan.

Papa Fondatè yo ta vle kreye yon pwosès ki tap difisil. Si pwosès la twò senp, konstitisyon an tap kapab chanje yon ti jan pi souvan ke l ta sipoze.

Yon fwa ke yon amannman ta ratifye, li fè pati Konstitisyon an amwenke gen yon lòt amannman pou ranvèse amannman sa a. Ekzanp, *dizwityèm* amannman an te entèdi alkòl etandiske venteyinièm amannman an ranvèse entèdiskyon sa a.

Epi tou, Lakou Siprèm peyi Etazini an entèprete lwa yo pou detèmine si yo konstitisyonèl ou pa, sa enkli amannman yo nan Konstitisyon an. Yon lwa ki kont yon amannman ta ka petèt **pa konstitisyonèl**.

Atik V (5) *senk* konstitisyon an eksplike de fason ke yon amannman ka propoze ak de fason ke yon amannman ka ratifye. Si yon amannman yo propoze pat swiv rout kòrèk pou ratifikasyon an, oubyen li pat aprouve, yo pa ajoute l nan Konstitisyon an.

amannman - yon chanjman nan yon konstitisyon (e.g., Konstitisyon peyi Etazini an, Konstitisyon eta Florid)

pa konstitisyonèl - pa anakò avèk Konstitisyon peyi Etazini an

propoze - fè sijesyon

ratifye - konfime pa yon kontni ki eksprime; fòmèlman aprouve